



Tei rahi raa o te mau poti i hoe mai i Pa-  
peete nei, mai roto mai i te mau matauinaa i Ta-  
hiti e Moorea, i te avae ra o Nōvēmia i mairi he-  
niri; tei uta mai i te maa, te buaa, e te ia i Pa-  
peete nei.

#### TO TAHITI.

No Papeete.	2	poti opani,	e, 0,	e poti oreā.
Punaania . . . . .	1	—	1	—
Paea . . . . .	0	—	1	—
Papara . . . . .	1	—	2	—
Papeuriri . . . . .	3	—	1	—
Toahotu . . . . .	1	—	0	—
Teahupoo . . . . .	1	—	0	—
Tautira . . . . .	3	—	0	—
Paeu . . . . .	1	—	0	—
Hitiā . . . . .	4	—	9	—
Tiarei . . . . .	3	—	2	—
Papenoo . . . . .	0	—	2	—

#### TO MOOREA.

Paatoai . . . . .	2	—	0	—
Teaharoa . . . . .	1	—	2	—
Morua . . . . .	1	—	2	—
Maatea . . . . .	1	—	0	—
Hauiti . . . . .	4	—	0	—

Ia amui hia rā. 29 poti opani, e 22 poti oreā.

Inaba e homa, te rahi raa o te mau poti, i uta  
haere mai i te maa i te avae i mairi aenei, e pae  
ahuru mā hoe ia amui hia.

#### Te parau no ALI BABA e na eia e maha ahuru.

Iriti hia mai no roto i te mau aamu Arabia, i parau hia e, e a ra  
TAVANI E M. HOG.

#### Haamata, hia i te Vea no te tapati i mairi aenei.

Aita o Ali Baba i ru noa i te pou mai i raro,  
mai nia mai i tana raau ra; te parau noa ra;  
hoi oia i roto iana iho ra e; tiae ua moe tehoe  
mea i ratou, e ia hoi noa mai hoi ratou ra, roo-  
hia tia noa hia ihoā ia vau tonei. « Pēe noa tura  
tona mata ia ratou; e tae noa tura i te alea ē;  
aita ra oia i ru vaye mai i raro, te haere noa rā  
hoi tona matau. No te mea hoi ē, ua tamau maite  
oia i roto i tona aau, i te parau i faahiti hia e te  
raatira o tana nana eia ra, i mahiti ai hoi te upu-  
ta o te ana, hinaaro atoa tura oia i te tamata i  
te faufaa toa raa hia tona na reira raa. Haere  
atura oia na roto i te aahiere, e ite atura i te  
opani i muri mai. Haere roa tura oia e pihai roa  
iho, e i tona ia parau raa e: « SESAME, a iriti  
mai, » hamama noa maira tana uputa ra i reira  
ra.

Ua manao na hoi o Ali Baba, e e mahere oia  
i te ite atū i tehoe, vahi poiri; maere noa tura ra

oia i te hio raa, e e va i rahi afeatea e te maa-  
marama tana ana ra, e mea o nenehehe mailoi  
hia e te rima taata; e no te paeu hoi i nia i tana  
mato ra te maramarama; e maa uputa iti hoi tei  
reira. Hio atura oia e ua i tura i roa tana ana ra  
i te maa, te afata rarahi i i te taou maitaitai, te  
tiriti, te pahoehe, e te ahu vauvau ro i hau roa  
i te nenehehe. Ua rahi roa ē ra te moni, te auro,  
e te ario, tei roto i te fariri rarahi, e te pute iri  
puua, te apapa noa hia ra, tetahi i nia i tetahi.  
Ia ite hoi oia i te rahi o tana taa ra, manao aera  
oia e, e riro paha ua ahuru, e aore ra, ua  
hanere roa te matahiti, to te nana eia parahi raa  
i roto i tana ana ra, e ia pohe te mau metua ra,  
ua mong hia mai ia ratou e te mau tamarii, i te  
parahi raa i reira.

Aita o Ali Baba i maoro noa e i te feruri raa:  
tomo roa tura ra oia i roto i tana ana ra, e i to-  
na ia tae raa i roto, piri atura te opani. Aita ra  
oia i peapea noa e i tei reira, no te mea, ua ite  
oia i te ravea e mahiti ai. Aita oia i haapao noa  
tu i te moni ario; aera ra i te moni piri i roto i  
te mau pute rarahi; rave maite aera ia oia i tei  
reira, e hopoi atura i te pae uputa; e ia manao  
oia e, tiara te manao i tana ta u atini, aita tura  
oia i afa faahou mai i te moni, haere atura ra oia  
e imi haere i tana mau atini, o tei purara haere.  
Faafatata maira oia i tana na atini ra i te pae  
mato, ua faauta i te pute moni i niaho; e ia ore  
hoi tei reira ia itea, tapoi hia tura e ana te va-  
hie na nia roa iho. E ia hope roa tei reira i te  
rave maitai hia e ana, haere faahou atura oia i  
pihahio i te uputa; e i tona ia parau raa e:  
« Sesame, ia piri atu oe, » piri faahou aera tana  
uputa ra i reira ra. Ia tomo hoi oia i roto i te  
ana ra, ua piri noa ia te opani; aera ra, ia tia  
noa oia i rapae ra, ua hamama noa mai ia te  
uputa.

Ei te Vea no te tapati i mua nei te toe.

Te mau pahi i tapae mai, mai te mahana 2 mai  
a no Titema.

Pahi auahi farani o Phoque, tomama Bovis, mai  
Ana mai.

Tira piti manua farani o Hydrographe, tomama  
Parchappe, mai Ana mai.

Te eē no te Tavana: BRIOU.